

摛藻堂四庫全書薈要

集部

欽定四庫全書叢要

集部

御定全唐詩卷三百三十三

二十三

臣紀昀詳校

詳於官修補通鑑經歷臣郭祚熾

欽定四庫全書
全唐詩卷一萬七千七百三十五

集部

御定全唐詩卷三百三十

張薦

張薦字孝舉深州人驚之孫敏銳有文辭爲顏真卿所賞真卿陷李希烈薦上疏論救爲左拾遺論盧杞姦惡德宗納之擢諫議大夫將疏裴延齡惡延齡知之遣使回鶻還爲秘書少監復使吐蕃三臨絕域占對詳辯卒贈禮部尚書詩三首

奉酬禮部閣老轉韻離合見贈一作和權載之離合詩時爲

監秘書

移居既同里多幸陪君子弘雅重當朝弓旌早見招植
根瓊林圃直夜金闈步勸深子玉銘力競相如賦間闊
向春闌日復想光儀格言信難繼木石強爲詞

和潘孟陽春日雪迴文絕句

遲遲日氣暖漫漫雪天春知君欲醉飲思見此文親

享文恭太子廟樂章

三獻具舉九旗將旋追勞表德罷享賓天風引仙管堂
虛畫筵芳馨常在瞻望悠然

崔邠

崔邠字處仁貝州武城人第進士官補闕疏論裴延齡
姦由中書舍人遷吏部侍郎久乃爲太常卿知吏部尚
書銓爲人沈密清儉兄弟以孝敬聞詩二首

禮部權侍郎閣老史館張秘監閣老有離合酬

贈之什宿直吟翫聊繼此章

一作和權載之離合詩時為中書

人舍

脉脉羨佳期
月夜吟麗詞
謙垣則隨步
東觀方承顧林
雪消艷陽簡
冊漏華光坐更芝
蘭室千載各芬芳
節苦文俱盛即時人一作仍
竝命翩翻紫霄中羽翮相輝映

享文恭太子廟樂章

醴齊泛樽彝軒懸動干戚入室優如在升階慶所歷奮
疾合威容定利舒皦澤方崇廟貌禮永被君恩錫

楊於陵

楊於陵字達夫弘農人年十九擢進士第節度使韓滉
奇之妻以女滉為相方權幸於陵不欲進取退廬建昌
滉卒乃為膳部員外郎歷中書舍人戶部侍郎元和初
出為嶺南節度使穆宗立遷戶部尚書以左僕射致仕
於陵器量方峻節操堅明時人尊仰之卒贈司空詩三
首

和權載之離合詩

時為中
書舍人

校德盡珪璋才臣時所揚放情寄文律方茂經邦術王

獻符

一作三
獻俗

發揮十載契心期
畫遊有嘉話
書法無隱

辭信茲酌和美言
與芝蘭比

昨來恣一作念吟繹日覺祛

蒙鄙

郡齋有紫薇雙本自朱明接於徂暑其花芳馥
數旬猶茂庭宇之內迥無其倫予嘉其美而能

久因詩紀述

於陵憲宗朝嘗為桂陽
郡守詩為桂陽時作

晏朝受明命繼夏走天衢逮茲三伏候息駕萬里途省
躬既跼蹐結思多煩紜簿領幸無事宴休誰與娛內齋

有嘉樹雙植分庭隅綠葉下成幄紫花紛若鋪摛霞晚
舒艷凝露朝垂珠炎沴晝方鑠幽姿閒且都夭桃固難
匹芍藥寧為徒懿此時節久詎同光景驅陶甄試一致
品彙乃散殊濯質非受彩無心那奪朱粵予負羈繫留
賞益踟躕通夕靡云倦西南山月孤

贈毛仙翁

先生赤松侶混俗遊人間崑崙無窮路何時下故山千
年猶孺質秘術救塵寰莫便冲天去雲雷不可攀

許孟容

許孟容京兆長安人舉進士甲科貞元初為張建封從事四遷侍御史德宗知其才徵為禮部員外郎遷給事中多所論奏元和中由太常卿為尚書左丞居官守正善拔士議論人物有大臣風采詩三首

荅權載之離合詩

時為給事中

史
一作敏
才司秘府文哲今超古亦有擅風騷六聯文墨
曹聖賢三代意工藝千金字化識從臣謠人推仙閣吏

如登崑崙時口誦靈真詞孫簡下威鳳系霜瓊玉枝

奉和武相公春曉聞鶯

碧樹當窓啼曉鶯
間關入夢聽難成
千回萬轉盡愁思
疑是血魂哀困聲

享文恭太子廟樂章

觴牢具品管弦有節祝道寅恭神儀昭晰桐珪早貴象
輅追設罄達樂成降歆豐潔

馮伉

馮伉魏州元城人大厯初舉五經又舉宏詞三遷膳部員外郎使澤潞不受幣德宗以其清可用授醴泉令為著諭蒙書以勸俗韋渠牟薦為給事中再領國子祭酒卒贈禮部尚書詩三首

和權載之離合詩

時為給事中

車馬退朝後聿懷在文友動詞宗伯雄重美良史功亦曾吟鮑謝二妙尤增價雨于叶反霜鴻唳天匝樹鳥鳴夜

覃思各客一作縱橫早擅希代名息心欲焚硯自覲一作忝

陪羣英

享文恭太子廟樂章二首

撰日瞻景誠陳樂張禮容秩秩羽舞煌煌肅將涤濯祇
薦芬芳永錫繁祉思深享嘗

平旄羽籥相虧蔽一進一退殊行綴昔獻三雍盛禮容
今陳六佾崇儀制

潘孟陽

潘孟陽侍郎炎之子以蔭進登博學宏辭母劉晏女也

公卿多父友及外祖賓從故得薦用累至兵部郎中權
知戶部侍郎年未四十憲宗初巡省江淮憲宗嘗誠江
淮宣慰使鄭敬曰朕宮中用度一匹已上皆有簿領惟
贈卹貧民無所計算卿宜體吾懷勿學潘孟陽奉使但
務酣飲遊山寺也詩三首

和權載之離合詩

詠歌有離合永夜觀酬答笥中撩綵牋竹簡何足編意
深俱妙絕心契交情結計彼官接聯言初竝清切翔集

本相隨羽儀良在斯煙雲競文藻因喜覩新詩

春日雪以廻文絕句呈張薦權德輿

一作春日
雪寄上張

二十九丈大監請招禮部權曾
長廻文絕句時為戶部侍郎

春梅雜落雪發樹幾花開真須盡興飲仁里願同來

元日和布澤

至德生成泰咸歡照育恩流輝霑萬物布澤在三元北
闕祥雲迤東方嘉氣繁青陽初應律蒼玉正臨軒思洽
因時令風和比化原自慙同草木無以答乾坤

武少儀

武少儀元和中嘗為大理卿詩二首

和權載之離合詩

時為國子司業

少年慕時彥小悟

晤一作

文多變木鐸比羣英八方流德

聲雷陳美交契雨雪音塵繼

一作寄

恩顧各飛翔因詩觀

瑰麗傳野絕遺賢人希有盛遷早欽風與雅日詠贈酬

篇

諸葛丞相廟

蜀志一作武侯祠

執簡焚香入廟門
武侯神象儼如存
因機定蜀延衰漢
以計連吳振弱孫
欲盡智能傾僭盜
善持忠節轉庸昏
宣王請戰貽巾幘
始見才吞亦氣勢

一作吞

欽定四庫全書

卷三百三十

御定全唐詩卷三百三十

欽定四庫全書
欽定四庫全書要卷一萬七千七百三十六集部

御定全唐詩卷三百三十一

段文昌

段文昌字墨卿一字景初貞元初授校書郎累擢翰林學士中書舍人穆宗即位拜中書侍郎同中書門下平章事未踰年出爲劍南西川節度使文宗立拜御史大夫節度淮南徙荆南終西川節度集三十卷今存詩四首

享太廟樂章

肅肅清廟登顯至德澤周八荒兵定四極生物咸遂羣盜滅息明聖欽承子孫千億

題武擔寺西臺

秋天如鏡空樓閣盡玲瓏水暗餘霞外山明落照中鳥行看漸遠松韻聽難窮今日登臨意多歡語笑同

晚夏登張儀樓呈院中諸公

重樓窗戶開四望斂煙埃遠岫林端出清波城下迴乍

疑蟬韻促稍覺雪風來
併起鄉闕思銷憂在酒杯

還別業尋龍華山寺廣宣上人

十里惟聞松桂風
江山忽轉見龍宮
正與休師方話舊
風煙幾度入樓中

姚向

姚向長慶二年西川節度判官詩二首

奉陪段相公晚夏登張儀樓

秦相架羣材
登臨契上台
查從銀漢落
江自雪山來
儼

曲親流火凌風洽小杯帝鄉如在目欲下盡襄回

和段相公登武擔寺西臺

開閣錦城中餘閒訪梵宮九層連畫景萬象寫秋空天
半將身到江長與海通提攜出塵土曾是穆清風

溫會

溫會以殿中侍御史爲西川安撫判官詩二首

和段相公登武擔寺西臺

桑臺煙樹中臺榭造雲空眺聽逢秋興篇辭變國風坐

愁高鳥起笑指遠人同始媿才情薄躋攀繼韻窮

奉陪段相公晚夏登張儀樓

危軒重疊開訪古上襄回有舌嗟秦策飛樑駕楚材雲
霄隨鳳到物象為詩來欲和闌山意已歌調更哀

李敬伯

李敬伯西川觀察巡官試大理評事詩二首

和段相公登武擔寺西臺

臺上起涼風乘閒覽歲功自隨台席貴盡許羽觴同樓

殿斜暉照江山極望通賦詩思共樂俱得詠時豐

奉陪段相公晚夏登張儀樓

層屋架城隈賓筵此日開文鋒摧八陣星分應三台望
雪煩襟釋當歡遠思來披雲霄漢近覽覺出塵埃

姚康

姚康字汝諧下邽人登元和十五年進士第試右武衛
曹叅軍劍南觀察推官大中時終太子詹事詩四首

奉陪段相公晚夏登張儀樓

登覽值晴開詩從野思來蜀川新草木秦日舊樓臺池
景搖中座山光接上台近秋宜晚景極目斷浮埃

和段相公登武擔寺西臺

松逕引清風登臺古寺中江平沙岸白日下錦川紅疎
樹山根淨深雲鳥跡窮自慙陪末席便與九霄通

禮部試早春殘雪

微暖春潛至輕明雪尚殘銀鋪光漸濕珪破色仍寒無
柳花常在非秋露正團素光浮轉薄皓質駐應難幸得

依陰處偏宜帶月看玉塵銷欲盡窮巷起袁安

賦得巨魚縱大壑

水府乘閒望圓波息躍魚從來暴泥久今日脫泉初得
志寧相忌無心任宛如龍門應可度鮫室豈常居掉尾
方窮樂遊鱗每自舒乘流千里去風力藉吹噓

欽定四庫全書
欽定全唐詩卷三百三十二

集部

御定全唐詩卷三百三十二

羊士諤

羊士諤泰山人登貞元元年進士第累至宣歙巡官元和初拜監察御史坐誣李吉甫出爲資州刺史詩一卷

早春對雨

南館垂楊早東風細雨頻輕寒消玉筍幽賞滯朱輪千里巴江守三年故國春含情非遲客懸榻但生塵

永寧小園即事

蕭條梧竹下秋物映園廬宿雨方然桂朝飢更摘蔬陰苔生白石時菊覆清渠陳力當何事忘言媿道書

臺中遇直晨覽蕭侍御壁畫山水

蟲思庭莎白露天微風吹竹曉淒然今來始悟朝迴客暗寫歸心向石泉

過三鄉望女兒山早歲有卜築之志

女兒山頭春雪消路傍仙杏發柔條心期欲去知何日

惆悵回車上野橋

和李都官郎中經宮人斜

翡翠無窮掩夜泉猶疑一半作神仙秋來還照長門月
珠露寒花是野田

山閣聞笛

臨風玉管吹參差山塢春深日又遲李白桃紅滿城郭
馬融閒卧望京師

登樓

槐柳蕭疎遠郡城夜添山雨作江聲秋風南陌無車馬
獨上高樓故國情

憶江南舊遊二首

山陰道上桂花初王謝風流滿晉書曾作江南步從事
秋來還復憶鱸魚

曲水三春弄綠毫樟亭八月又觀濤金罍幾醉烏程酒
鶴舫閒吟把蟹螯

郡中即事三首

曉風山郭雁飛初霜拂回塘水榭虛鼓角清明如戰壘
梧桐搖落似貧居青門遠憶中人產白首間看太史書
城下秋江寒見底賓筵莫訝食無魚

紅衣落盡暗香殘葉上秋光白露寒越女含情已無限

莫教長袖倚闌干

此首題一作翫荷花

登臨

一作高

何事

一作處

見瓊枝白露黃花自繞籬惟有樓

中好山色稻畦殘水入秋池

此首題一作

寄裴校書

野望二首

萋萋麥蘆杏花風好是行春野望中日暮不辭停五馬
鴛鴦飛去綠江空

忘懷不使海鷗疑水映桃花酒滿危亭上一聲歌白苧
野人歸棹亦行遲

遊西山蘭若

路傍垂柳古今情春草春泉咽又生借問山僧好風景
看花攜酒幾人行

泛舟入後溪

東風朝日破輕嵐仙棹初移酒未酣玉笛閒吹折楊柳
春風無事傍魚潭

雨餘芳草淨沙塵水綠灘平一色一作帶春唯有啼鶯似
留客桃花深處更無人此首一作于鵠詩

看花

一到花間一忘歸玉梧瑤瑟減光輝歌筵更覆青油幕
忽似朝雲瑞雪飛

春望

莫問華簪髮已斑歸心滿目是青山獨上層城倚危檻

柳營春盡馬嘶閒

寄江陵韓少尹

別來玄鬢共成霜雲起無心出帝鄉蜀國魚箋數行字

憶君秋夢過南塘

賀一作州宴行營回將

九一作鯪盈庭酒滿卮戍人歸日及瓜時元戎靜鎮無

幾

邊事遣向營中偃畫旗

遊郭駙馬大安山池

馬嘶芳草自淹留
別館何人屬細侯
仙杏破顏逢醉客
綠鴛飛去避行舟
洞簫日暖移賓榻
垂柳風多掩妓樓
坐閱清暉不知暮
煙橫北渚水悠悠

故蕭尚書瘦柏齋前玉葉樹與王起居吏部孟

員外同賞

柏寢閉何時
瑤華自滿枝
天清凝積素
風暖動芬絲
留步蒼苔暗
停觴白日遲
因吟茂陵草
幽賞待妍詞

和武相早朝中書候傳點書懷奉呈

殿省祕清曉夔龍升紫微星辰拱帝座鯀履翊天機耿
耿金波缺沉沉玉漏稀綵箋蹲鷙獸畫扇列名翬志業
丹青重恩華雨露霏三台昭建極一德慶垂衣昌運瞻
文教雄圖本武威殊勲如帶遠佳氣似煙非抗節衷無
隱同心尚弼違良哉致君日維嶽有光輝

和蕭侍御監祭白帝城西村寺齋沐覽鏡有懷

吏部孟員外并見贈

晚沐金仙宇迎秋白帝祠軒裳煩吏職風物動心期清

鏡開塵匣華簪指髮絲南宮有高步歲晏豈磷縑

送張郎中副使自南省赴鳳翔府幕

仙郎佐氏

一本缺謀廷議寵元侯城郭須來貢河隍亦順

流亞夫高壘靜充國大田秋當奮燕然筆銘功向龍頭

和竇吏部雪中寓直

瑞花飄朔雪瀨氣滿南宮迢遞層城掩徘徊午夜中金

闔通籍恨銀燭直廬空

一本缺

誰問烏臺客家山憶桂叢

小園春至偶呈吏部竇郎中

題下一本有
孟員外三字

松篠雖苦節冰霜慘其間欣然一作欣發佳色如喜東風

歲

還幽抱想前躅冥鴻度南山春臺一以眺達士亦解顏

偃息非老圃沉吟閟玄關馳暉忽復失壯氣一作歲不得

閒君子當濟物丹梯誰一作難共攀心期自有約去掃蒼

苔斑

酬吏部竇郎中直夜見寄

解巾侍雲陛三命早爲郎復以雕龍彩旋歸振鸞行玉

書期養素金印已

一本缺

懷黃茲夕南宮詠遐情媿不忘

永寧里園亭休沐悵然成詠

雲景含初夏休歸曲陌深幽簾宜永日珍樹始清陰遲
客唯長簾忘言有匣琴畫披靈物態書見古人心芳草
多留步鮮飈自滿襟勞形非立事瀟灑媿頭簪

登樂遊原寄司封孟郎中盧補闕

夾節時清眺秋懷悵獨過神臯值宿雨曲水已增波白
鳥凌風迴紅蕖濯露多伊川有歸思君子復如何

乾元初嚴黃門自京兆少尹貶牧巴郡以長才
英氣因多暇日每遊郡之東山山側精舍有盤
石細泉疏爲浮杯之勝苔深樹老蒼然遺躅士
謗謬因出守得繼茲賞乃賦詩十四韻刻於石
壁

石座雙峰古雲泉九曲深寂寥疏鑿意蕪沒歲時侵繞
席流還壅浮杯咽復沉追懷王謝侶更似會稽岑始詣
流杯

之地蔓草已沒石泉渠不絕如線躬自
疏導終日潺潺蓋數十年無復遊者

誰謂天池翼相

期澤畔吟光輝輕尺璧然諾重黃金樂醉東山妓長懸

北闕心薰蘭麝雜佩桃李想

一作華簪

時知唐事昂自相拾遺貶清化尉

黃門年三十餘且為府主與都意氣友善賦詩高會文字猶存

開閣余何事鳴騶亦屢

尋軒裳遵往轍風景憩中林橫吹多淒調安歌送好音

初筵方側弁故老忽沾襟

時老僧常覺在自言日覩黃門遊集之日歷歷可聽及聞

絲竹發聲泣然流涕盛世當弘濟平生諒所欽無能愧陳力惆悵

拂瑤琴

閒齋示一二道者

幽蘭誰復奏閒匣以端憂知止慙先覺歸歟想故侯山
蟬鈴閣晚江雨麥田秋唯有空門學相期老一丘

南池荷花

蟬噪城溝水芙蓉忽已繁紅花迷越艷芳意過湘沅湛
露宜清暑披香正滿軒朝朝祇自賞穠李亦何言

郡中翫月寄江南李少尹虞部孟員外三首

月滿自高丘江通無狹流軒窗開到曉風物坐含秋鶴
警銀河斷蛩悲翠幕幽清光望不極耿耿下西樓

桂華臨洛浦如挹李膺仙茲夕披雲望還吟擲地篇鳳
池分直夜牛渚泛舟年會是風流賞惟君內史賢

圓景曠佳賓

一作賞

徘徊夜漏頻金波徒汎酒瑤瑟已生

塵露白移長簾風清挂幅巾西園舊才子想見洛陽人

時在盧雲夫

書分司入洛

城隍廟賽雨二首

零雨慰斯人齊心薦綠蘋山風簫鼓響如祭敬亭神
積潤通千里推誠奠一卮回飈經畫壁忽似偃雲旗

郡樓晴望二首

霽色朝雲盡亭皋一作高

露亦晞褰開臨曲檻蕭瑟換輕

衣地遠秦人望天晴社燕飛無功慙歲晚唯念故山歸

一雨晴山郭驚秋碧樹風蘭卮誰與薦玉旆自無悰雲

景嘶賓雁嵐陰露彩虹間吟嬾閉一作下閣旦夕郡樓中

初移琪樹

愛此丘中物煙霜盡日看無窮碧一作白

雲意更助綠窗

寒

燕居

秋齋膏沐暇旭日照軒墀露重芭蕉葉香凝

一作低橘一本缺橘

袖枝簡書隨吏散寶騎與僧期報國得何力流年已覺

衰

寄黔府竇中丞

漢臣旌節貴萬里護牂牁

夏月一作日

天無暑秋風水不

波朝衣蟠艾綬戎幕偃雕戈滿歲歸龍闕良哉佇作歌

書樓懷古

何獨文翁化風流與代深泉雲無舊轍騷雅有遺音遠
目窮巴漢間情閑古今忘言意不極日暮但橫琴

九月十日郡樓獨酌

掾史當授衣郡中稀物役嘉辰悵已失殘菊誰為惜襦
軒一尊泛天景洞虛碧暮節獨一作猶賞心寒江鳴湍石
歸期北州里舊友東山客飄蕩雲海深相思桂花白

暮秋言懷

城隅凝綠畫紅樹帶青山遲客金尊晚談空玉柄閒馳

暉三峽水旅夢百勞關非是淮陽薄丘中只望還

題枇杷樹

珍樹寒始花氣氤九秋月佳期若有待芳意常無絕嫋
嫋碧海風濛濛綠枝雪急景自餘妍春禽幸流悅

上元日紫極宮門觀州民然燈張樂

山郭通衢隘瑤壇紫府深燈花助春意舞綬

一作綬

織歡

心閒似淮陽卧恭聞樂職吟唯將聖明化聊以達飛沉

西郊蘭若

雲天宜北戶塔廟似西方林下僧無事江清日復長石
泉盈掬冷山實滿枝香寂寞傳心印玄言亦已忘

在郡三年今秋見白髮聊以書事

二毛非騎省朝鏡忽秋風絲縷寒衣上霜華舊簡中承
明那足厭車服媿無功日日山城守淹雷巖桂叢

郡中端居有懷袁州王員外使君

憶作同門友承明奉直廬禁闈人自異休澣跡非疎珥
筆金華殿三朝玉璽書恩光榮侍從文彩應符徐貞元

以至元和
並掌客命

青眼真知我玄談愧起予蘭卮招促膝松砌

引長裾

王尤精太玄自為深知時在憲司休注
釋與予自躬冠服輒詣松庭永日言集

麗日流

鶩早涼天墜露初前山臨紫閣曲水眺紅蕖誰為音塵
曠俄驚歲月除風波移故轍符守忽離居濟物陰功在
分憂盛業餘弱翁方大用延首遲雙魚

山寺題壁

物外真何事幽廊步不窮一燈心法在三世影堂空山
果青苔上寒蟬落葉中歸來還閉閣棠樹幾秋風

暇日適值澄霽江亭遊宴

碧落風如洗清光鏡不分弦歌方對酒山谷盡無雲振
臥淮陽病悲秋宋玉文今來強攜妓醉舞石榴裙

玩槿花

何乃詩人興妍詞屬舜華風流感異代窈窕比同車凝
艷垂清露驚秋隔絳紗蟬鳴復蟲思惆悵竹陰斜

郡齋讀經

壯齡非濟物柔翰誤爲儒及此齋心暇翛然與道俱散

材誠獨善正覺豈無徒半偈蓮生水幽香桂滿爐息陰
慙蔽帝講義得醍醐跡似桃源客身櫻竹使符華夷參
吏事巴漢混州圖偃草懷君子移風念嗇夫翳桑俄有
績宿麥復盈租圓寂期超詣凋殘幸已蘇解空囊不智
滅景谷何患幾日導歸轍東菴殆欲薰

州民自言巴土冬濕且多陰晦今茲晴朗苦寒

霜頗甚故老咸異之因示寮吏

第五句第七句
第八句並缺

雨霜以成歲看舊感前聞愛景隨朝日凝陰積暮雲

忘言酒暫醺

齋中有獸皮茵偶成詠

逸才豈凡獸服猛愚人得山澤生異姿蒙戎一作草

蔚佳

色青羶持與籍重錦裁為飾臥閣幸相宜溫然承宴息

野夫採鞭於東山偶得元者

追風豈無策持斧有遐想鳳去留孤根嵒懸非朽壤苔
斑自天生玉節垂雲長勿謂山之幽丹梯亦可上

守郡累年俄及知命聊以言志

第
八
句
缺
一
字

南國疑逋客東山作老夫登朝非大隱出谷是真愚氣

直慙龍劖心清愛玉壺聊持循吏傳早晚為徒

東渡早梅一樹歲華如雪酣賞成詠

第一句第
二句各缺

字一

暇日畱事期雲亦開鄉心持歲酒津下賞山梅晚
實和商鼎濃香拂壽杯唯應招北客日日踏青來

題郡南山光福寺寺即嚴黃門所置時自給事

中京兆少尹出守年三十性樂山水故老云每

旬數至後分閭

一有
西字

川州門有去思碑即都拾

遺之詞也

傳聞黃閣守茲地賦長沙少壯稱時傑功名惜歲華嚴
廊初建刹賓從亟鳴笳玉帳空嚴道甘棠見野花碑殘
猶墮淚城古自歸鴉籍籍清風在懷人諒不遐

雨中寒食

令節逢煙雨園亭但掩關佳人宿妝薄芳樹綠繩閒歸
思偏消酒春寒為近山花枝不可見別恨瀟一作陵間

晚夏郡中臥疾

事外心如寄虛齋卧更幽微風生白羽畏日隔青油用
拙懷歸去沉疴畏借畱東山自有計蓬鬢莫先秋

酬盧司門晚夏過永寧里敝居林亭見寄

自嘆淮陽卧誰知去國心幽亭來北戶高韻得南金苔
甃窺泉少籃輿愛竹深風蟬一清暑應喜脫朝簪

山郭風雨朝霧悵然秋思

桐竹離披曉涼風似故園驚秋對旭日感物坐前軒江

燕飛還盡山榴落尚繁平生信有意衰久已忘言

南館林塘

郡閣山斜對風煙隔短牆清池如寫月珍樹盡凌霜行
樂知無悶加餐頗自強心期空歲晚魚意久相忘

臘夜對酒

琥珀盃中物瓊枝席上人樂聲方助

一作
缺

醉燭影已含

春自顧行將老何辭坐達晨傳觴稱厚德不問吐車茵

池上構小山詠懷

第二句
缺二字

玉立出巖石風清曲

偶成聊近意靜對想凝神牛

渚中流月闌亭上道春古來心可見寂寞為斯人

林塘臘候

南國永霜晚

一作冷

年華已暗歸閒招別館客遠念故山

薇野艇虛還觸籠禽倦更飛忘言亦何事

一作步坐

清輝

酬禮部崔員外備獨

一作賜一本此下缺一字

永寧里散居

見寄來詩云圖書鑠塵閣符節守山城

第二句缺一字

守土親巴俗腰章 漢儀春行樂職詠秋感伴牢詞舊
里藏書閣閒門閉槿籬遙慙退朝客下馬獨相思

梁國惠康公主挽歌詞二首

時詔令百官進詞
駙馬即司空于公

子之

湯沐成陳跡山林遂寂寥鶴飛應織素鳳起獨吹簫玉
殿中參罷雲輶上漢遙皇情非不極空輶未央朝

授冊榮天使陳詩感聖恩山河啓梁國縞素及于門泉
向金卮咽霜來玉樹繁都人聽哀挽淚盡望寒原

南池晨望

起來林上月瀟灑故人情鈴閣人何事蓮塘曉獨行衣沾竹露爽茶對石泉清鼓吹前賢薄羣蛙試一鳴

林館避暑

池島清陰裏無人泛酒船山蜩金奏響荷露水精圓靜勝朝還暮幽觀白已玄家林正如此何事賦歸田

巴南郡齊雨中偶看長歷是日小雪有懷昔年

朝謁因成八韻

夷落朝雲候王正小雪辰緬懷朝紫陌曾是灑朱輪氣
耿簪裾肅風嚴刻漏頻暗飛金馬仗寒舞玉京塵
隨中憲龍池列近臣纂珠凝瑞彩懸圃淨華茵帝澤千
箱慶天顏萬物春明廷一作君猶咫尺高詠愧巴人

褒城驛池塘翫月

夜長秋始半圓景麗銀河北渚清光溢西山爽氣多鶴
飛聞墜露魚戲見增波千里家林望涼飈換綠蘿

資陽郡中詠懷

腰章非達士閉閣是潛夫匣劔寧求試籠禽但自拘江
清牛渚鎮酒熟步兵廚唯此前賢意風流似不孤

寒食宴城北山池即故郡守滎陽鄭鋼一作綱 目

為折柳亭

別館青山郭遊人折柳行落花經上已細雨帶清明鶼
鷀流芳暗鴛鴦曲水平歸心何處醉寶瑟有餘聲

酬彭州蕭使君秋中言懷

右一作古職移青綬雄藩拜紫泥江回玉壘下氣爽錦城

西臯鶴驚秋律琴烏怨夜啼離居同舍念宿昔奉金闈

元和初接武南

臺周旋雨院

資中早春

一雨東風晚山鶯獨報春淹留巫峽夢惆悵洛陽人柳
意籠丹檻梅香覆錦茵年華行可惜瑤瑟莫生塵

郡樓懷長安親友

殘暑三巴地沉陰八月天氣昏高閣雨夢倦下簾眠愁
鬢華簪小歸心社燕前相思杜陵野溝水獨潺湲

王起居獨遊青龍寺翫紅葉因寄

十畝蒼苔遠畫廊
幾株紅樹過清霜
高情還似看花去
閒對南山步夕陽

夜聽琵琶三首

掩抑危絃咽又通
朔雲邊月想朦朧
當時誰佩將軍印
長使蛾眉怨不窮

一曲徘徊星漢稀
夜闌幽怨重依依
似捉金來上馬
南枝棲鳥盡驚飛

破撥聲繁恨已長低鬟歛黛更摧藏潺湲龍水聽難盡

併覺風沙繞杏

一作
畫
梁

彭州蕭使君出妓夜宴見送

玉顏紅燭忽驚春微步凌波暗拂塵自是當歌歛眉黛不因惆悵為行人

題松江館

津柳江風白浪平棹移高館古今情扁舟一去鴟夷子應笑分符計日程

偶題寄獨孤使君

病起淮陽自有時秋來未覺長年悲坐逢在日唯相望
娟娟涼風滿桂枝

永寧里小園與沈校書接近悵然題寄

故里心期奈別何手移芳樹憶庭柯東臯黍熟君應醉
梨葉初紅白露多

齊一作春中詠懷

無心唯有白雲知閒臥高齋夢蝶時不覺東風過寒食

雨來萱草出巴籬

登郡前山

洛陽歸客滯巴東處處山櫻雪滿叢峴首當時為風景
豈將官舍作池籠

客有自渠州來說常諫議使君故事悵然成詩
才子長沙暫左遷能將意氣慰當年至今猶有東山妓
長使歌詩被管絃

春日朝罷呈臺中寮友

一作良

退食鶼行振羽儀九霄雙闕迴參差雲披綵仗春風度
日暖香階畫刻移玉樹籠烟鵠鵠觀石渠流水鳳凰池
時清執法慚無事未有長楊漢主知

州民有獻杏者瑰麗溢目因感花未幾聊以成
詠

南郭東風賞杏壇幾株芳樹昨畱歡却憶落花飄綺席
忽驚如實滿雕盤蛾眉半斂千金薄鶗鵠初鳴百草闌
志士古來悲節換美人啼鳥亦長嘆

西川獨孤侍御見寄七言四韻一首為郡翰墨
都捐逮此訥答誠乖拙速

百雉層城上將壇列營西照雪峰寒文章立事須銘鼎
談笑論功耻據鞍草檄清油推一作催健筆曳裾黃閣聳
危冠雙金未比三千字負弩空慙知者難

都城從事蕭員外寄海梨花詩盡綺麗至惠然
遠及

珠履行臺擁附蟬外郎高步似神仙陳詞今見唐風盛

從事遙瞻衛國賢，擲地好詞凌綠筆。
浣花春水膩魚簾，

東山芳意須同賞，子看囊盛幾日傳。

右軍書云青李來禽櫻桃日給藤子

皆囊盛為佳

函封多不生

赴資陽經嶓冢山

漢水所出元和三年已授此官

寧辭舊路駕朱轡，重使疲人感漢恩。
今日鳴騶到嶓峽，還勝博望至河源。

郡中言懷寄西川蕭員外

功名無力愧勤王，已近終南得草堂。
身外盡歸天竺偈，

腰間唯有會稽章何時臘酒逢山客可惜梅枝亞石床
歲晚我知仙客意懸心應在白雲鄉

郡齋感物寄長安親友

晴天春意併無窮過臘江樓日日風瓊樹花香故人別
蘭卮酒色去年同閒吟鈴閣巴歌裏回首神臯瑞氣中
自愧朝衣猶在篋歸來應是白頭翁

息舟荆溪入陽羨南山遊善權寺呈李功曹巨

結纜蘭香渚

一作曉

柴車

一作紫岩
又作翠侶

上連岡晏溫值初霽

去遶山河長獻歲冰雪盡細泉生路傍行披煙杉入激

澗一作瀾

橫石梁層閣表精廬飛甍切雲翔冲襟得高步

清眺極遠方潭嶂積佳氣羨英多早芳具觀澤國秀重

使春心傷念遵煩促途榮利驚隙光勉君脫冠意共匿

無何鄉

亂後曲江

憶昔曾遊曲水濱春來長有探春人遊春人靜空地

一作

池在直至春深不似春

尋山家

一作長孫
佐輔詩

獨訪山家歇還涉

一作步
還歌

茅屋斜連隔松葉主人聞語

未開門繞籬野菜飛黃蝶

寄襄校書

登高何處見瓊枝白露黃花自繞籬惟有樓中好山色
稻畦殘水入秋池

句

風泉留古韻笙磬想遺音桂朽有遺馥鸞飛安可待

塵沙藹如霧長波驚飈度雁起汀洲寒馬嘶高城暮
銀缸倦秋館綺瑟瞻永路重有攜手期清光倚玉樹

以上

並見張為
主客圖

御定全唐詩卷三百三十二

欽定四庫全書
欽定全唐詩卷一萬七千七百三十八

集部

御定全唐詩卷三百三十三

楊巨源

楊巨源字景山河中人貞元五年擢進士第為張弘靖從事由秘書郎擢太常博士禮部員外郎出為鳳翔少尹復召除國子司業年七十致仕歸時宰白以為河中少尹食其祿終身集五卷今編詩一卷

秋夜閒居即事寄廬山鄭員外蜀郡符處士

憂思繁未整良辰會無由引領遲佳音星紀屢以周蓬
闔絕華耀况乃處窮愁墜葉寒擁砌燈火一作光夜悠悠

開琴弄清弦窺月俯澄流冉冉鴻鴈度蕭蕭惟笛秋悵

懷石門詠緬慕

一作邀

碧雞遊髻鬟蒙顏色崇蘭隱芳洲

獨不見

東風艷陽色柳綠花如霰競理同心鬟爭持合歡扇香
傳賈娘手粉離何郎面最恨卷簾時含情獨不見

題趙孟莊

管鮑化為塵交友存如線升堂俱自媚得路難相見懿
君敦三益頽俗期一變心同襲芝蘭氣合回霜霰石門
雲卧久玉洞花尋遍王濬愛旌旗梁竦勞州縣煙鴻秋
更遠天馬寒愈健願事郭先生青囊書幾卷

辭魏博田尚書出境後感恩戀德因登聚臺一本

此下有却 第八句
贈二字 缺二字

薦書及龍鍾此事鏤心骨親知殊恨恨一作恨恨徒御方咄

咄賓朋惜別傳僕請行聚臺邯鄲臺上見新月離恨始分明

更超忽懷仁淚空盡感事情又發他時麗履聲曉日

照丹闕

夏日苦熱同長孫主簿過仁壽寺納涼

火入天地爐南方正何劇四郊長雲紅六合太陽赤赫
赫沸泉壑談談熑砂石思減祝融權期匡諸子宅因投
竹林寺一問青蓮客心空得清涼理證等喧寂開襟天
籟回步履雨花積微風動珠簾惠氣入瑤席境閒性方
謐塵遠趣皆適淹駕殊未還朱欄散虛碧

送李虞仲秀才歸東都因寄元李二友

高翼間未倦孤雲曠無期晴霞海西畔秋草燕南時
鄴中多上才耿耿丹霄姿顧我於逆旅與君發光儀同將
儒者方獲忝攜一作雋人知幽蘭與芳佩寒玉鏘美詞舊

友在伊洛鳴蟬思山陂到來再春風夢盡雙瓊枝素業
且無負青冥殊未遲南橋天氣好脈脈一相思

和盧諫議朝回書情即事寄兩省閣老兼呈二

起居諫院諸院長

寵位資寂用回頭憐二疎超遙比鶴性皎潔同僧居華

組澹無累單牀歡有餘題詩天

一作清

風灑屬思紅霞舒

鵠藹延閣東晨光映林初爐香深內殿山色明前除對

客默焚橐何人知諫書全仁氣逾勁大辨言甚徐逸步

寄青璣閒吟親綺疏清輝被鸞渚瑞靄含龍渠謝監營

野墅陶公愛吾廬悠然遠者懷聖代飄長裾端弼緝元

化至音生太虛一戎殄撓槍重譯充儲胥借地種寒竹

看雲憶春蔬靈機棲杳冥談笑登軒車晚迹識麒麟秋

英見美藻危言直且莊曠抱鑾以攄志業耿冰雪光容
粲璠璵時賢儼仙掖氣謝心何如

奉酬寶郎中早入省苦寒見寄

玄冥怒含風羣物戒嚴節空山頑石破幽澗層冰裂題
詩金華彥接武丹霄烈曠懷玉京雲孤唱粉垣雪窮陰
總凝沴正氣直肅殺天狼看墮地霜兔敢拒穴悠然蓬
蒿士亦得奉朝謁羸驂苦遲遲單僕怨切切端闡仙階
邃廣陌凍橋滑旭日鴛鷺行瑞煙芙蓉闕司寒申鄭重

成歲在凜冽謝監逢酒

一作假

時袁生閉門月漸思霜霰

減欲報陽和發誰家挾纊心何地當鑪熟慘舒能一改

恭聽遠者說

野園獻果呈員外

西園果初熟上客心逾懶凝粉乍辭枝飄紅仍帶葉幽
姿寫瓊實殷彩呈妝頰持此贈佳期清芬羅袖裏

大堤曲

一作詞

二八嬋娟大堤女開爐相對依江渚待客登樓向水看

邀郎捲慢臨花語細雨濛濛濕芰荷已東商侷挂一作駐

帆多自傳芳酒涴一作紅袖誰調妍妝回翠娥珍簟華

翻

一作

紅袖誰調妍妝回翠娥珍簟華

燈夕陽後當壚理瑟矜纖手月落星微五鼓聲春風搖

蕩牕前柳歲歲逢迎沙岸間北

一作背

人多識

一作整

綠雲

鬟無端嫁與五陵少離別煙波傷玉顏

楊花落

北斗南回春物老紅英落盡綠

一作緣

尚早韶風澹蕩無

所依偏惜垂楊作春好此時可憐楊柳花繁

一作榮

盈艷

曳滿人家人家女兒出羅幕靜掃玉庭待花落寶環纖
手捧更飛翠羽輕裾承不著歷歷瑤琴舞金一作陳非
態紅拂黛憐玉人東園桃李芳已歇獨有楊花嬌暮春

月宮詞

宮中月明何所似如積如流滿田地迥過前殿曾學着
回照長門慣催淚昭陽昨夜秋風來綺閣金鋪情一作清
影開藻井浮花共陵亂玉階零露相襯回稍映明河泛
仙馭滿魄猶在更衣處管弦回燭無限情環珮憑欄不

能去皎皎蒼蒼千里同穿煙飄葉九門通珠簾欲捲畏
成水瑤席初陳驚似空復值君王事歡宴宮女三千一
時見飛蓋愁看素暈低稱觴願踏清輝遍江上無雲夜
可憐冒沙披浪自嬋娟若共心賞風流夜那比高高太
液前

贈從弟茂卿

時欲北遊

吾從家一作驥足楊茂卿性靈且奇才甚清海內方微風
雅道鄴中更有文章盟扣寂由來在淵思搜奇本自通

禪智王維證時符水月杜甫狂處遺天地流水東西歧
路分幽州迨邇舊來聞若為向北驅疲馬山似寒空塞
似雲

烏啼曲贈張評事

可憐楊葉復楊花雪淨煙深碧玉家烏棲不定枝條弱
城頭夜半聲啞啞浮萍流一作搖蕩門前水任胥芙蓉

莫墮沙

端午日伏蒙內侍賜晨服

絲縷纖仍麗凌風卷復開方應五日至應自九天來在
苟清光發當軒暑氣回遙知及時節刀尺火雲催

胡姬詞

妍艷照江頭春風好客留當爐知妾慣送酒為郎羞香
渡傳蕉扇妝成上竹樓數錢憐皓腕非是不能留

春日有贈

堤暖柳絲斜風光屬謝家晚心應戀水春恨定因花步
遠憐芳草歸遲見綺霞由來感情思獨惜年華

襄陽樂

閒隨少年去試上大堤遊畫角樓鳥起清弦過客愁碑
沈楚山石珠徹漢江秋處處風情好盧家更上樓

關山月

蒼茫臨故關迢遙照秋山萬里平蕪靜孤城落葉閒露
濃棲鴈起天遠戍兵還復暝征西府光深組練間

長城聞笛

孤城笛滿林斷續共霜砧夜月降羌淚秋風老將心靜

過寒壘遍暗入故闕

一作園

深惆悵梅花落山川不可尋

春晚東歸留贈李功曹

芳田歧路斜脉脉惜年華雲路

一作絡

青絲騎香含翠幘

車歌聲仍隔水醉色未侵花唯有懷鄉客東飛羨曙鷗

送殷員外使北蕃

二軒將雨露萬里入煙沙和氣生中國薰風屬外家塞
蘆隨鴈影闊柳拂駝花努力黃雲北儂曹有雉車

送許侍御充雲南哀冊使判官

萬里永昌城威儀奉聖明冰心瘴江冷霜憲漏天晴荒
外開亭候雲南降旆旌他時功自許絕域轉哀榮

秋日題陳宗儒圃亭悽然感舊

曾隨何水部待月東亭宿今日重凭欄清風空在竹前
山依舊碧間草經秋綠時物方宛然蛛絲一何速

和鄭少師相公題慈恩寺禪院

舊寺長桐孫朝天是聖恩謝公詩更老蕭傳道方尊白
法知深得蒼生要重論若為將此望心地向空門

同趙校書題普救寺

東門高處天一望幾悠然白浪過城下青山滿寺前塵
光分驛道嵐色到人煙氣象須文字逢君大雅篇

春日與劉評事過故證一作澄上人院

曾共劉諮議同時事道林與君方掩淚來客是知心
雪凌春積鐘煙向夕深依然舊童子相送出花陰

春雪題興善寺廣宣上人竹院

皎潔青蓮客焚香對雪朝竹風催一作吹浙瀝花雨讓飄

颯觸

一作灑

石和雲積鑿池拂水消只應將日月顏色不

相饒

清明日後土祠送田徹

一作
溉

清明千萬家處處是年華榆柳芳辰火梧桐今日花祭
一作登

祠結雲綺遊陌擁香車惆悵田郎去原回煙樹斜

酬令狐員外直夜書懷見寄

花枝暖欲舒粉署夜方初世職推傳盛春刑是減餘芸
香能護字鉛槧善呈書此地從頭白經年望雉車

題表丈三大夫書齋

盛府自蓮花羣公是歲華蘭姿丈人圃松色大夫家素
卷堆瑤席朱弦映絳紗詩題三百首高韻照春霞

春日送沈贊府歸潯陽覲叔父

潯陽阮咸宅九派竹林前花嶼高如浪雲峰遠似天江
聲在南巷一作港海氣入東田才子今朝去風濤思渺然

與李文仲秀才同賦泛酒花詩

若道春無賴飛花合逐風巧知人意裏解入酒杯中香

濕勝含露光搖似泛空請君回首看

一作醉眼幾片舞芳叢

登寧州城樓

宋玉本悲秋今朝更上樓清波城下去此意重悠悠晚
菊臨杯思寒山滿郡愁故關非內地一為漢家羞

同薛侍御登黎陽縣樓眺黃河

倚檻恣流目高城臨大川九回紆白浪一半在青天氣
肅晴空外光翻曉日邊開襟值佳景懷抱更悠然

和權相公南園閑涉寄廣宣上人

浩氣抱天和閒園載酒過步因秋景曠心向晚雲多翠

玉思回鳳立珠肯在鵝問

一作湯

師登幾地空性奈詩何

供奉定法師歸安南

故鄉南越外萬里白雲峰經論辭天去香花入海逢鷺
濤清梵徹蜃閣化城重心到長安陌交州後夜鐘

池上竹

一叢蟬娟色四面清冷波氣潤晚煙重光間秋露多翠筠入疎柳清影拂圓荷歲晏琅玕實心期有鳳過

長安春遊

鳳城春報曲江頭上客年年是勝遊日暖雲山當廣陌
天清絲管在高樓龍蕙樹色分儂閣縹渺花香汎御溝
桂璧朱門新邱第漢家恩澤問鄼侯

送定法師歸蜀法師即紅樓院供奉廣宣上人
兄弟

鳳城初日照紅樓禁寺公卿識惠休詩引棣華沾一雨
經分貝葉向雙流孤猿學定前山夕遠鴈傷離幾地秋

空性碧雲無處所約公曾許剡溪遊

早朝

鐘聲一作傳

清禁纔應徹漏報仙闈儼已開雙闕薄煙籠

茵苔九成初日照蓬萊朝時但向丹墀拜仗下方從碧殿回聖道逍遙更何事願將巴曲贊康哉

贈張將軍

關西諸將揖容光獨立營門

一作前

有霜知愛魯連歸

海上肯令王翦在

一作平

陽天晴紅懳當山滿日暮清

笳入塞長年少功高人最美漢家壇

一作煙

樹月

一作日

笳

蒼

和侯大夫秋原山觀征人回

兩河戰罷萬方清原上軍回識舊營立馬望雲秋塞靜
射鵠臨水晚天晴戍閒部伍分歧路地遠家鄉寄旆旌
聖代止戈資廟略諸侯不復更長征

送人過衛州

憶昔征南府內遊君家東閣最淹留縱橫聯句長侵曉

次第看花直到秋論舊舉杯先下淚傷離臨水更登樓
相思前路幾回首滿眼青山過衛州

寄中書同年舍人

晴明紫閣最高峯仙掖開簾范彥龍五色天書詞煥爛
九華春殿語從容絲毫應染爐煙細清珮仍含玉漏重
二十年前同日喜碧霄何路得相逢

酬一作贈于駙馬二首

綺陌塵香曙色分碧山如畫又逢君蛟藏秋月一片水

驥鎖晴空千尺雲戚里舊知何駙馬詩家今得鮑參軍
陽和本是煙霄曲須向花間次第聞

芳時碧落心應斷今日清詞事不同瑤草秋殘仙圃在
綠雲天遠鳳樓空晴花煖一作曾送金羈影涼葉寒一作還

生玉簾風長得聞詩歡自足會看春露濕蘭叢

將歸東都寄一作別令狐舍人

綠楊紅杏滿城春一騎悠悠萬井塵岐路未關一作閒今

日事風光欲醉長年人間過綺陌尋高寺強對一作到朱

門謁近臣多病晚來還有策確陽山色舊相親

寄江州白司馬

江州司馬平安否惠遠東林住得無溢浦曾聞似衣帶
廬峰見說勝香爐題詩歲晏離鴻斷望天闕天遙病鶴孤
莫謾拘一作勾牽雨花社青雲依舊是前途

薛司空自青州歸朝

天眷君陳久在東歸朝人看大司空黃河岸畔長無事
滄海東邊獨有功已變畏途成雅俗仍過舊里揖秋風

一門累葉凌煙閣次第儀形漢上公

送章孝標校書歸杭州因寄白舍人

曾過靈隱江邊寺獨宿東樓看海門潮色銀河鋪碧落
日光金柱出紅盆不妨公事資高臥無限詩情要細論
若訪郡人徐孺子應須騎馬到沙村

述舊紀勲寄太原李光顏侍中二首

玉塞含悽見鴈行北垣新詔拜龍驤弟兄間世真飛將
貔虎歸時似故鄉鼓角因風飄朔氣旌旗映水發秋光

河源收地心猶壯笑向天西萬里霜

倚天長劒截雲孤報國縱橫見丈夫五載登壇真宰相
六重分閫正司徒曾聞轉戰平堅寇共說題詩壓腐儒
料敵知機在方寸不勞心力講陰符

酬盧員外

謝傅旌旗控上游盧郎樽俎借前籌舜城風土臨清廟
魏國山川在白樓雲寺當時接高步水亭今日又同遊
滿筵舊府笙歌在獨有羊曇最淚一作流

古意贈王常侍

繡戶紗窓北里深香風暗動鳳凰簪組紃常在佳人手
刀尺空搖寒女心欲學齊謳逐雲管還思楚練拂霜砧
東家少婦當機織應念無衣雪滿林

送裴中丞出使

一清淮甸假朝綱金印初迎細柳黃辭闕天威和雨露
出闕春色避風霜龍韜何必陳三略虎旅由來肅萬方
宣諭生靈真重任回軒應問石渠郎

送絳州盧使君

應將清淨結心期
又共陽和到郡時
絳老問年須算字
庾公逢月要題詩
朱欄迢遞因高勝
粉堞清明欲下遲
他日徵還作霖雨
不須求賽敬亭祠

贈李傳

知因公望掩能文誓激明誠
在致君曾罷雙旌瞻白日
猶將一劍許黃雲搖牕竹色留
僧語入院松聲共鶴聞
莫被此心生晚計
鎮南人憶杜將軍

上裴中丞

六年西掖弘湯誥三捷東堂總漢科政引風霜成物色
語回天地到陽和清威更助朝端重聖澤曾隨筆下多
應笑白鬚揚執戟可憐春日老如何

和人與人分惠賜水

天水藏來玉墮空先頒密署幾人同映盤皎潔非資月
一作開露披一作當扇清涼不在風瑩質方從綸閣內凝輝更

向畫堂一作錦帷中麗詞珍覲難雙有迨遷金輿殿角東

觀打毬有作

親掃毬場如砥平龍驤驟馬曉光晴入門百拜瞻雄勢
動地三軍唱好聲玉勒回時霑赤汗花鬢分處拂紅纓
欲令四海氛煙靜杖底纖塵不敢生

早春即事呈劉員外

明朝晴暖即相隨肯信春光被雨欺且任文書堆案上
免令杯酒負花時馬蹄經歷須應遍鶯語叮嚀已怪遲
更待雜芳成艷錦鄴中爭唱仲宣詩

送司徒童子

衛多君子魯多儒七歲聞天笑舞雩光彩春風初轉蕙性靈秋水不藏珠兩經在口知名小百拜垂髫稟氣殊况復元侯旌爾善桂林枝上得鵠雛

寄昭應王丞

武皇金輶輶香塵每歲朝元及此辰光動泉心初浴日氣蒸山腹總成春謳歌已入雲韶曲詞賦方歸侍從臣瑞靄朝朝猶望幸天教赤縣有詩人

酬崔博士

自知頑叟更何能
唯學雕蟲謬見稱
長被有情邀唱和
近來無力更祇承
青松樹杪三千一作千年
鶴白玉壺中一片冰
今日為君書壁右一作石
孤城莫怕世人憎

酬裴舍人見寄

誰道重遷是舊班
自將霄漢比鄉關
二妃樓下宜臨水
五老祠西好看山
再葺吾廬心已足
每來公府路常間
詩陪亞相逾三紀
石筍煙霞不共攀

和劉員外陪韓僕射野亭公宴

好客風流璹瑁簪重簷高幕曉沈沈
綺筵霜重旌旗滿玉帳天清絲管聲繁
戲徒過魯儒目衆歡方集漢郎心
寒笳一曲嚴城暮雲騎連嘶香外林

酬崔駘馬惠箋百張兼貽四韻

百張雲樣亂花開七字文頭艷錦回浮碧空一作定從天

上得殷紅應自日邊來捧持價重凌雲葉封裏香深笑
海苔滿筐清光應照眼欲題凡韻輒喪回一作風韻
媿凡才

贈史開封

天低荒草誓師壇
鄧艾心知戰地寬
鼓角迥臨霜野曙
旌旗高對雪峰寒
五營向水紅塵起
一劒當風白日看
曾從伏波征絕域
磧西蕃部怯金鞍

奉寄通州元九侍御

大明宮殿鬱蒼蒼
紫禁龍樓直署香
九陌華軒爭道路
一枝寒玉任煙霜
須聽瑞雪傳心語
莫一作却 被啼猿續
淚行共說聖朝容
直氣期君新歲奉恩光

贈渾鉅中允

公子髫年四海聞，城南侍獵雪雰雰。
馬盤曠野弦開月，鴈落寒原箭在雲。
曾向天西穿虜陣，慣遊花下領儒羣。
一枝瓊萼朝光好，綵服飄飄從冠軍。

重送胡大夫赴振武

向年擢桂儒生業，今日分茅聖主恩。
旌旆仍將過鄉路，軒車爭看出都門。
人間文武能雙捷，天下安危待一論。
布惠宣威大夫事，不妨詩思許琴尊。

送陳判官罷舉赴江外

練思多時冰雪清拂衣無語別書生莫將甲乙為前累
不廢煙霄是此行定愛紅雲燃楚色應看白雨打江聲
心期玉帳親台位魏勃因君說姓名

奉和裴相公

竹寺題名一半空衰榮三十六人中在生本要求知已
垂老應憐值相公敢望燮和回舊律任應時節到春風
若為問得蒼蒼意造化無言自是功

和大夫邊春呈長安親故

嚴城吹笛思寒梅二月永河一半開紫陌詩情依舊在
黑山弓力畏春來遊人曲岸看花發走馬平沙獵雪回
旌旆朝天不知晚將星高處近三台

張郎中段員外初直翰林報寄長句

秋空如練瑞雲明天上人間莫問程丹鳳詞頭供二妙
金鑾殿角直三清方瞻北極臨星月猶向南班滯姓名
啟沃朝朝深禁裏香爐煙外是公卿

奉酬端公春雪見寄

造化多情狀物親剪花鋪玉萬重新閒飄上路呈豐歲
狂舞中庭學醉春興逸何妨尋劄客唱高還肯寄巴人
遙知獨立芝蘭閣滿眼清光壓俗塵

盧郎中拜陵遇雪蒙見召因寄

南宮使者有光輝欲拜諸陵瑞雪飛蘋葉已修青玉薦
柳花仍拂赤車衣應同谷口尋春去定似山陰帶月歸
寒冷出郊猶未得羨公將事看芳菲

冬夜陪丘侍御先輩聽崔校書彈琴

雪滿中庭月映林
謝家幽賞在瑤琴
楚妃波浪天南遠
蔡女煙沙漠北深
顧盼何曾因誤曲
殷勤終是感知音
若將雅調開詩興
未抵丘遲一片心

元日含元殿下立仗丹鳳樓門下宣赦相公稱

賀

四字一作上相公

二首

天垂台曜掃欓槍壽獻香

一作青

山祝聖明丹鳳樓

一作闕

前歌九奏金鷄竿下鼓千聲衣冠南面薰風動文字東

方喜氣生從此登封資廟略兩河連海一時清

臨軒啟扇似雲收率土朝天劇水流瑞色含春當正殿

香煙捧日在高樓三朝氣蚤迎恩澤萬歲聲長繞冕旒

請問漢家功第一麒麟閣上識鄼侯

元日觀朝

北極長尊報聖期

一作仰
聖時

周家何用問元龜天顏入曙

千官拜

一作喜

元日

一作

日色迎春萬物知闔闔迴臨黃道正

衣裳高對碧山垂微臣願獻堯人祝壽酒年年太液池

題賈巡官林亭

白鳥閒棲亭樹枝綠樽仍對菊花籬許詢本愛交禪侶
陳寔由來是一作足好兒明月出雲秋館思遠泉經雨夜
憩知門前長者無虛轍一片寒光動水池

和元員外題昇平里新齋

自一作因知休沐諸幽勝遂肯高齋枕廣衢舊地已開新

玉圃春山仍展綠雲圖心源邀得閒詩證肺氣宜將慢
酒扶此外唯應任真宰同塵敢一作最是道門樞

送澹公歸嵩山龍潭寺葬本師

野煙秋水蒼茫遠禪境真機去住閒雙樹為家思舊壑
千花成塔禮寒山洞宮曾向龍邊宿雲徑應從鳥外還
莫戀本師金骨地空門無處復無關

邵州陪王郎中宴

西塞無塵多玉筵貌貅鴛鷺儼相連紅茵照水開樽俎
翠幕當雲發管絃歌態曉臨團扇靜舞容春映薄衫妍
魯儒縱使他時有不似歡娛及少年

和令狐舍人酬岑上人題山欄孤竹

滿院冰姿粉籜殘一莖青翠近簾端離叢自欲親香火
抱節何妨共歲寒能讓繁聲任真籟解將孤影對芳蘭
范雲許訪西林寺枝葉須和彩鳳看

寄贈田倉曹灣

芳蘭媚庭除灼灼紅英舒身為陋巷客門有絳轅車朝
覽夷吾傳暮習穎陽書晦雲高羽翼待賈蘊璠璵纓弁
雖云阻音塵豈復踈若因風雨晦應念寂寥居

上劉侍中

命代生申甫承家翊禹湯廟謨膺間氣師律動清霜鐘
鼎勲庸大山河一作河山誠誓長英姿凌虎視逸步壓龍驤

道協陶鈞力恩回日月光一言弘社稷九命備珪璋政

治軍逾肅仁敷物已康朱門重棨戟丹詔半縑絹位總

雲一作興龍野師臨涿鹿鄉射鵠天更碧吹角塞仍黃深

入平夷落橫行闢漢疆功垂貞石遠名映色絲香斷

一作

度墳瞻貌虎臨池識鳳凰舞腰凝綺榭歌響拂雕梁杯

度墳瞻貌虎臨池識鳳凰舞腰凝綺榭歌響拂雕梁杯

淨傳鸚鵡裘鮮照鸕鷀吟詩白羽扇校獵綠沈槍風景
佳人地煙沙壯士場幕中邀謝鑒一作監麾下得周郎珠

影含空徹瓊枝映座芳王渾知武子陳寔獎元方富貴
春無限歡娛夜未央管弦隨玉帳尊俎奉金章俗理寧
因勸邊城詎假防軍容雄朔漠公望冠巖廊分野隣孤
島京坻溢萬廂曙華分碣石秋色入衡一作漁陽城遠迷

玄兔川明辨白狼忠賢多感激今古共蒼茫堤擁紅蕖
艷橋分翠柳行軒車紛自至亭館鬱相當珍簟回煩暑

層軒引早涼聽琴知思靜說劍覺神揚佳景燕臺上清

輝鄭驛傍鼓鼙

一作鐘

喧北里珪玉映東牀

敢銜由之瑟

甘循賜也牆官微

思假路戰勝忝

一作望

升堂欲奮三年

一作千翼頻迴一夕腸消憂期酒聖乘興任詩狂海內裁

桃李天涯荷

一作剪

稻梁昇沈門下意

一作客

誰道在

蒼蒼

贈侯侍御

步逸辭羣迹機真忘

一作忘

結遠道

一作道

心敦詩揚大雅映古

酌高音逃禍棲蜩舍因醒解豸簪紫蘭秋露濕黃鶴晚

一作曉
天陰舊業

一作葉

餘荒草寒山出遠林月明多宿寺

世亂重悲琴霄漢時應在詩書道未沈坐期闇闔霽雲

暖一開襟

時朱泚
阻兵

懷德抒情寄上信州座主

五馬江天郡諸生淚共垂識餘明主德恩在侍臣知悵
望緘雙鯉龍鍾假一枝玉峰遙寄夢雲海暗傷離憧蓋
全家去琴書首路隨滄州值康樂明月向元規鵠鳳終

凌漢蛟龍會出池蕙香因曙一作暖發松色肯寒移舉世

瞻風藻當朝揖羽儀加浪門下意溪水綠逶迤

送杜郎中使君赴虔州

迢邇南康路清輝得使君虎符秋領俗鵠署早辭羣地

遠仍連戍城嚴本帶軍傍江低檻月當嶺滿牕雲境勝

問間間一作間天清水陸分和詩將惠政頌述九衢聞

別鶴詞送令狐校書之桂府

海鶴一為別高程方窅然影搖江漢一作海路思結瀟湘

天皎然仰白日真姿棲紫煙含情九霄際顧侶五雲前
遐心屬清都淒響激朱弦超遙聞一作操間風雨追邇各山
川東南信多水會合當有年雌一作雄飛唳冥冥此意何

由傳

夏日裴尹員外西齋看花

笑向東一作南來客看花在前始知清夏月更勝艷陽

天露濕呈妝汗風吹畏火燃蕙龍和葉盛爛熳壓枝鮮
紅彩當鈴閣清香到玉筵蝶棲驚曙色鶯語滯一作帶晴

煙得地殊堪賞過時倍覺妍芳菲遲最好唯是謝家憐

贈鄰家老將

白首羽林郎丁年戍朔方陰天瞻磧落秋日渡遼陽大

漠寒山黑孤城夜月黃十年依羣食萬里帶金瘞拂雪

一作露陳師祭衝風立教場箭飛瓊羽合旗動火雲張虎

翼分營勢魚鱗擁陣行誓心清塞色鬪血雜沙光戰地

晴輝薄軍門曉氣長寇深爭暗襲關迥勒春防身賤竟

何訴天高徒自傷功成封寵將力盡到貧鄉雀老方悲

海鷹衰却念霜空餘孤劔在開匣一霑裳

和呂舍人喜張員外自北番回至境上先寄二

十韻

割愛天文動敦和國步安仙姿歸舊好戎意結新歡並
命瞻鵠鷺同心揖蕙蘭玉簫臨祖帳金榜引征鞍廣陌
雙旌去平沙萬里看海雲侵鬢起邊月向眉殘突兀陰
山迥蒼茫朔野寬毳廬同甲帳韋橐比碉盤義著親胡
俗儀全識漢官地鄰冰鼠淨天映燭龍寒節異蘇卿執

弦殊蔡女

一作

彈磧分黃渺渺塞

一作寒

極黑漫漫歡味

羶腥列徵聲侏儈攢歸期先雁候登路劇鵬搏上客離

心遠西宮草詔殫麗詞傳錦綺珍價掩琅玕百兩開戎

壘千蹄入御欄瑞光麟閣上佳氣鳳城端尚德曾辭劒

柔凶本舞干茫茫斗星北威服古來難

春日奉獻聖壽無疆詞十首

文物京華盛謳歌

一作謠

國步康瑤池供壽酒銀漢麗宸

章靈雨

一作露

含雙闕雷霆肅萬方代推仙祚遠春共聖

恩長鳳宸臨花暖龍鑪傍日香遙知千萬歲天意奉君

王

鴛鷺彤庭際軒車綺陌前九重多好色

一作樂

萬井半祥

煙人醉逢堯酒鶯歌答舜弦花明御溝水香暖禁城天

賜宴文逾盛徵歌

一作歡

物更妍無窮艷陽月長照

一作奉

太平年

雲陛臨黃道天門在碧虛大明含睿藻元氣抱宸居戈
偃征苗後詩傳宴鎬初年華富仙苑時哲滿公車化入

綑綰大恩垂渙汗餘悠然萬方靜風俗揖華胥

玉漏飄青瑣金鋪麗紫宸雲山九門曙天地一家春瑞
謁方呈賞暄風本配仁巖廊開鳳翼水殿壓鼇身文雅
逢明代歡娛及賤臣年年未央闕恩共物華新

垂拱乾坤正歡心品類同紫煙含北極玄澤付東風珠
綴留晴景金莖直曉空發生資盛德交泰讓全功間氣
登三事祥光啟四聰遐荒似川水天外亦一作朝宗

代是文明畫春當宴喜時爐煙添柳重宮漏出花遲漢

典方寬律周官正採詩碧宵傳鳳吹紅旭一作日在龍旗

造化膺神契陽和沃聖思一作慈無一作每因隨百獸率舞

奉丹墀

睿德符玄化芳情翊太和日輪皇鑒遠天仗聖朝多曙
色含金榜晴光轉玉珂中宮陳廣樂元老進賡歌蓮葉
看龜上桐花識鳳過小臣空擊壤滄海是恩波

物象朝高殿簪裾溢上京春當九衢好天向萬方明樂
報簫韶發杯看沆瀣生芙蓉丹闕暖楊柳玉樓晴閣闔

開中禁衣裳儀太清南山同聖壽長對鳳皇城

日上蒼龍闕香含紫禁林晴光五雲疊春色九重

一作天

深賞叶元和德文垂雅頌音景雲隨御輦
穎氣在宸襟永保無疆壽長懷不戰心聖朝多慶賜瓊樹粉牆陰

化洽生成遂功宣動植知瑞凝三秀草春入萬年枝鳳
披嘉言進駕行喜氣隨仗臨丹地近衣對碧山垂渥澤
方柔遠聰明本聽卑願同東觀士事一作長對覩一作漢威

儀

銜魚翠鳥

有意蓮葉間
瞥然下高樹
摩破一作波
得全一作金
魚一點

翠光去

和鄭相公尋

一本此下有
興善寺三字

宣上人不遇

方尋一作放心蓮境去
又值竹房空
幾韻飄寒玉
餘清不在

風

題范陽金臺驛

六國唯求客
千金遂築臺
若令逢聖代
憔悴郭生回

寄薛侍御

世上無窮事生涯莫廢詩何曾好風月不是憶君時

賦得灞岸柳留辭鄭員外

楊柳含煙灞岸春年年攀折為行人好風儻借低枝便

莫遣青絲掃路塵

折楊柳一作和練秀才楊柳一作戴叔倫詩

水邊楊柳麴塵煙一作絲立馬煩君折一枝惟有春風最

相惜殷勤更一作肯向手中吹

雪中聽箏

玉柱泠泠對寒雪清商怨徵聲何切誰憐楚客向隅時
一片愁心與絃絕

盧龍塞行送韋掌記二首

雨雪紛紛黑水外行人共指盧龍塞萬里飛沙壓鼓鼙
三軍殺氣凝旌旆

陳琳書記本翩翩料敵能兵奪酒泉聖主好文兼好武
封侯莫比漢皇年

題五老峰下費君書院

解向花間裁碧松
門前不負老人峰
已將心事隨身隱
認得溪雲第幾重

僧院聽琴

一作宿藏公院
聽齊孝若彈琴

禪思何妨在玉琴
真僧不見聽時心
離聲怨調秋堂夕
雲向蒼梧湘水深

和武相公春曉聞鶯

語恨飛遲天欲明
殷勤似訴有餘情
仁風已及芳菲節

猶向花溪鳴一作聽幾聲

唐昌觀玉藥花

晴空素艷照霞新
香灑天風不到塵
持贈昔聞將白雪
藥珠宮上玉花春

山中主人

十里青山有一家
翠屏深處更添霞
若為說得溪中事
錦石和煙四面花

太原贈李屬侍御

路入桑乾塞鴈飛棗郎年少有光輝春風走馬三千里

不廢看花君

一作惹

繡衣

崔娘詩

清潤潘郎玉不如中庭蕙草雪消初風流才子多春思

腸斷蕭娘一紙書

題雲師山房

一作權德輿詩
又作戎昱詩

雲公蘭若深山裏月明松殿微風起試問空門清淨心

蓮花不著秋潭水

城東早春

詩家清一作新景在新春綠柳纔黃半未勻若待上林花

似錦出門俱是看花人

秋日登亭贈薛侍御

潦倒從軍何取益東西走馬暫同遊梁王舊客皆能賦
今日因何獨怨秋

石水詞二首

銀釕深鑠貯清光無限來人不得嘗知共金丹爭氣力

一杯全勝五雲漿

山叟和雲斬翠屏
煎時分日檢仙經
天人持此扶衰病
勝得瑤池水一瓶

答振武李逢吉判官

近來時輩都無興
把酒皆言肺病同
唯有單于李評事
不將華髮負春風

宮燕詞

毛衣侶錦語如絃
日煖爭高綺陌天
幾處野花留不得

雙雙雙飛向御爐前

贈崔駰馬

百尺梧桐畫閣齊簫聲落處翠雲低平陽不惜黃金埒
細雨花驄踏作泥

聽李憑彈箜篌二首

聽奏繁絃玉殿清風傳曲度禁林明君王聽樂梨園煖
翻到雲門第幾聲

花咽嬌鶯玉漱泉名高半在御筵前漢王欲助人間樂

從遣新聲墮九天

臨水看花

一樹紅花映綠波
晴明騎馬好經過
今朝幾許風吹落
聞道蕭郎最惜多

觀妓人入道二首

苟令歌鐘北里亭
翠娥紅粉敞雲屏
舞衣施盡餘香在
今日花前學誦經

碧玉芳年事冠軍
清歌空得隔花聞
春來削髮芙蓉寺

蟬鬢臨風墮綠雲

方城驛逢孟侍御

走馬溫湯直隼飛相逢雙鐸理征衣
軍中得力兒男事入驛從容見落暉

題清涼寺

憑檻霏微松樹煙陶潛曾用道林錢
一聲寒磬空心曉花雨知從第幾天

酬令狐舍人

曉禁蒼蒼換直還
暫低鸞翼向人間
亦知受業公門事
數仞丘牆不見山

和令狐郎中

題詩一代占清機
秉筆三年直紫微
自稟道情齠齧異
不同邃玉學知非

美人春怨

妾家巫峽陽羅幌
寢蘭堂曉日臨窗久
春風引夢長落釵
仍挂鬢微汗欲銷
黃縱便朦朧覺魂猶
逐楚王

艷女詞

露井桃花發雙雙燕並飛美人姿態裏春色上羅衣自愛頻開鏡時羞欲掩扉心知行路客遙惹五香歸

名姝詠

阿嬌年未多體弱性能和怕重愁拈鏡憐輕喜曳羅臨津雙洛浦對月兩嫦娥獨有荆王殿時時暮雨過

送太和公主和蕃

北路古來難年光獨認寒朔雲侵鬢起邊月向晝殘蘆

井尋沙到花門度磧看薰風一萬里來處是長安

秋日韋少府廳池上詠石

主人得幽石日覺公堂清一片池上色孤峰雲外情舊
溪紅蘚在秋水綠痕生何必澄湖徹移來有令名

失題

何事慰朝夕不踰詩酒情山河空道路蕃漢共刀兵禮
樂新朝市園林舊弟兄向風一點淚塞一作寒晚暮江平

春日題龍門香山寺

衆香天上梵王宮鐘磬寥寥半碧空清景乍開松嶺月
亂流長響石樓風山河杳映春雲外城闕參差曉樹中
欲盡出尋那可得三千世界本無窮

寄申州盧拱使君

領郡仍聞總虎貔致身還是見男兒小船隔水催桃葉
大鼓當風舞柘枝酒坐微酣諸客倒毬場慢撥幾人隨
從來樂事憎詩苦莫放窗中遠咄知

郊居秋日酬奚贊府見寄

繁菊照深居芳香春不如聞尋周處士知伴瘦尚書日晚汀洲曠天晴草木疎閒言揮麈柄清步掩螭廬野老能親牧高人念遠漁幽叢臨古岸輕葉度寒渠暮色無狂蝶秋華有嫩蔬若為酬郢曲從此愧璠璵

聖恩洗雪鎮州寄獻裴相公

天借春光洗綠林戰塵收盡見花陰好生本是君王德忍死何妨壯士心曾賀截雲翻柵遠仍聞斬凍下營深井陘昨日雙旗入蕭相無言淚濕襟

賀田僕射子弟榮拜金吾

五侯恩澤不同年
叔姪朱門穆稍連
鳳沼九重相喜氣
鴈行一半入祥煙
街衢燭影侵寒月
文武珂聲疊曉天
為數麒麟高閣上
誰家父子勒燕然

和裴舍人觀田尚書出獵

聖代司空比玉清
雄藩觀獵見皇情
雲禽已覺高無益
霜兔應知狡不成
飛鞚擁塵寒草盡
彎弓開月朔風生
今朝始賀將軍貴
紫禁詩人看旆旌

送李舍人歸蘭陵里

清詞舉世皆藏篋
美酒當山為滿樽
三畝嫩蔬臨綺陌
四行高樹擁朱門
家貧境勝心無累
名重官閒口不論
惟有道情常自足
啟期天地易知恩

同太常尉遲博士闕下待漏

沈沈延閣抱丹墀
松色苔花顆露滋
爽氣曉來青玉甃
薰風宿在翠花旗
方瞻御陌三條廣
猶覺仙門一刻遲
此地含香從白首
馮唐何事怨明時

見薛侍御戴不損裹帽子因贈

潘郎對青鏡烏帽似新裁曉露鴉初洗春荷葉半開堪
將護巾櫛不獨隔塵埃已見籠蟬翼無因映鹿胎何人
呈巧思好手自西來有意憐衰魄煩君致一枚

胡二十拜戶部兼判度支

清機果被公材撓雄拜知承聖主恩廟略已調天府實
國征方覺地官尊徒言玉節將分閫定是沙隄欲到門
為愛山前新卜第不妨風月事琴樽

元日呈李逢吉舍人

華夷文物賀新年霜仗遙排鳳闕前一片彩霞迎曙日
萬條紅燭動春天稱觴山色和元氣端冕爐香疊瑞煙
共說正初當聖澤試過西掖問羣賢

和杜中丞西禪院看花

一林堆錦映千燈照眼牽情欲不勝知倚晴明嬌自足
解將顏色醉相仍好風輕引香煙入甘露繩和粉艷凝
深處最憐鶯蹊踐嬾時先被蝶侵凌對持真境應無取

分付空門又未能迎日似翻紅燒斷臨流疑映綺霞層
幽含晚態憐丹桂盛續春光識紫藤每到花枝獨惆悵
山東惟有杜中丞

句

三刀夢益州一箭取遼城

以下見紀事

伊陟無聞祖韋賢

不到孫

御定全唐詩卷三百三十三

謹案卷三百三十二第八頁前一行相期澤畔吟
刊本澤訛宅據原集改

卷三百三十三第五頁前一行巴東商侶挂帆多
按別本侶作旅

第五頁前八行榮盈艷曳滿人家刊本榮訛榮據
原集改



總校官庶吉士臣張能照

校對官中書臣張 壽

謄錄舉人臣汪志伊